

Dadus relata 11 Agostu 2020

SUMÁRIU

- Matadalan nasionál COVID-19 ba vijilánsia no rastreiamentu kontaktu atualiza ona no integra ona ba kazu definisaun global nian ba kazu suspeitu no provavel ba COVID-19. Revizaun dalimak ba matadalan ne'e subliña importánsia hosi estende no integra hamutuk estratéjia ba vijilánsia ho infesaun respiratóriu, no inkorpora ona esperiénsia hosi jestaun kontaktu, liu-liu iha facilidade kuarentena.
- Atu mantein servisu saúde esensiál, liuliu durante tempu pandemia bainhira Sistema saúde hotu okupadu no rekursu umanu ne'ebé limitadu, Ministériu Saúde ho apoiu hosi OMS finaliza ona planu asaun ba Rekursu Umanu ba Setór Saúde (PENRUSS) hodi bele hahú servisu tuir planu estratéjia PENRUSS ba 2020-2024.
- Uniaun Europeia (UE) no Programa Nasoins Unidas ba Dezenvolvimentu (PNUD) lansa ona programa treinamentu ba media hodi haforsa liután abilidade Parlamentu Nasionál Timor-Leste hodi bele prodús no halo transmisaun notísia relasiona ba asuntu Parlamentu nian, inklui kampaña edukasaun sívika episodiu 22. Iniciativa ida ne'e hanesan parte ida hodi responde ba COVID-19 entre UE no PNUD nia Projetu "Strengthening Integral Local Development by Building the Capacities of the Municipal Authorities in Timor-Leste.". Medida hirak ne'e sei fó asisténsia ba Parlamentu Nasionál hodi mantein operasaun regular no haforsa mandate atu bele atualiza no monitoriza governu nia asaun hodi responde ba COVID-19.
- Atu lori hikas fali nivel kobertura imunizasaun ba nivel ne'ebé apropiadu, ne'ebé maka tun durante periodu estadu emerjénsia tanba pandemia, UNICEF no OMS fó apoiu ba MS nia kampaña vasina DR-5/Polio ne'ebé maka lao daudaun iha eskola hodi identifika se maka la hetan vasina durante Estadu Emerjénsia no fornese sira ho vasina DR-5/Polio ne'ebé sira presiza.
- Atu fó apoiu no haforsa liután servisu imunizasaun iha território tomak. UNICEF haruka ona doze 20,000 vasina ba tetanus no fornese ona pulsa ba MS hodi aseguira Sistema *cold-chain* iha munisípiu 13 funsiona no hetan monitorizasaun regular.

SITUASAUN IHA NÚMERU

Totál no kazu (foun) iha Timor-Leste

25 konfirmadu (**foun 0**)
0 mate

(Bazeia ba dadus ne'ebé públika iha [Ministerio da Saúde](#))

Tuir pájina WHO Timor-Leste
[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha oras 24 nia laran

Globalmente

19 718 030 konfirmadu (**253 409**)
728 013 mate (**5 719**)

AVALIASAUN RISKU OMS


Nivel Globál Aas tebes

- Governu Timor-Leste, PNUD, no Banku Dezenvolvimentu Ázia bazeia ba inisiativu kolaborasaun konjunta atinji ona uma kain kuaze 25,000 iha área vulneravel sira iha Dili, Baucau, Bobonaro, Covalima no Oecusse with nesesidade báziku. Nesesidade báziku hirak ne'e – mai direita hosi agrikultór no liuhosi sindikatu Loja dos Agrikultores ne'ebé hetan apoiu hosi governu – ne'ebé sei fó apoiu rendimentu ba agrikultores iha Timor-Leste.
- UNICEF no USAID entrega item suprimentu oi-oin 15 ba prevensaun no kontrole infesaun ba Sentru Saúde Komunitáriu Comoro hodi fó apoiu ba servisu saúde esensiál ba labarik no família.



Data notifikasaun kazu foun no kumulativu COVID-19 iha Timor-Leste


(11-Aug-2020 : kazu foun-0 kumulativus-25)



Source : Direcção Nacional Controlo de Doenças - Departamento Vigiância Epidemiologia

Situasaun Nasional Kazu : COVID-19 Timor-Leste

(Kumulative figures)



Source : Direcção Nacional Controlo de Doenças - Departamento Vigiância Epidemiologia

OMS TIMOR-LESTE NIA OBJETIVU ESTRATÉJIU

- Hapara moras da'et hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigoroza tebes no hasa'e kapasidade ba PKI nian;
- Identifika, izola no kuida ba pasiente; inklui fornese mós kuida óptimu ba pasiente ne'ebé infetadu;
- Halo sosialisasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin kloot, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi hosi #COVID19:

- Takaibun no inus bainhira me'ar
- Labele ka'er matan, inus noibun
- Evita ba fatin públiku no limita tempu iha espasu ne'ebé taka metin
- Bainhira distansia fiziku la posivel, obrigatóriu ba ita atu uza maskára
- Mantein distansia metru ida ka liu hosi ema seluk
- Hamoos beibeik objetu no fatin sira ne'ebé ita kaer beibeik
- Izola an hosi ema bainhira sente moras no buka tratamentu, bainhira prezisa

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Páijina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
 - OMS Timor-Leste liuhosi nia [Páijina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-